



Fernand ETGEN
President vun der
Deputéiertechamber
19, um Krautmaart
L-1728 Lëtzebuerg

Lëtzebuerg, den 31/08/2020

Här President,

Sou wéi den Artikel 83 vun eisem Chambersreglement et virgesäit, bieden ech Iech, dës parlamentaresch Fro un de Minister fir Mobilitéit weiderzeleeden.

De leschte Samschde koom et an der Stad erëm zu engem Iwwerfall. Eng Fra, déi an hirem Rollator ënnerwee war, wollt an de Bus klammen a krut d'Hëllef vun engem Passant ugebueden. Deen nobel wirkende Passant hat d'Situatioun awer ausgenutzt, fir der Fra an deem Moment de Portmonnien aus dem Rollator ze entwennen an sech duerch d'Bascht ze maachen. Et ass sécherlech keen Eenzelfall, datt et am ëffentlechen Transport oder op Bushaltestellen oder a Garen zu Déifstäl oder zu Iwwerfäll kënnt.

An deem Zesummenhang wéilt ech dem Minister dës Froe stellen:

1. Ass dem Minister bekannt, dass Seniore mat Beanträchtegungen am ëffentlechen Transport oder op Arrêten zu Opfer vun Déifstäl oder Iwwerfäll gi sinn? Falls ja, wat fir eng Moossnahmen gi vum Minister ënnerholl, fir dës Leit ze schützen?
2. Wéi vill Déifstäl an Iwwerfäll gouf et an de vergaangene Joren am ëffentlechen Transport oder op Arrêten a Garen?
3. Wéi eng Pläng huet de Minister, fir d'Bushaltestellen an d'Garen hei am Land fir d'Passagéier méi sécher a méi komfortabel ze maachen?
4. Wéi gëtt allgemeng fir d'Sécherheet vu Buschaufferen hei am Land gesuergt?

Mat déiwem Respekt,

GOERGEN Marc
Député



www.piraten.lu